



目
錄

卷一	世主妙嚴品第一之一	1
卷二	世主妙嚴品第一之二	49
卷三	世主妙嚴品第一之三	111
卷四	世主妙嚴品第一之四	173
卷五	世主妙嚴品第一之五	239
卷六	如來現相品第二	295
卷七	普賢三昧品第三	365
卷八	世界成就品第四	381
卷九	華藏世界品第五之一	437
卷九	華藏世界品第五之二	497
卷十	華藏世界品第五之三	565

百億華嚴入玄門 百萬菩薩契法身

大方廣佛華嚴經第四刷緣起

《華嚴經》是釋迦牟尼佛成道後開示的首部經典，有經中之王的美譽。經文闡述諸佛之本懷，示成佛果德。高僧傳中記載：唐太宗問隱士孫思邈：「佛經以何經為大？」孫曰：「華嚴經為諸佛所尊大。」帝曰：「近玄奘三藏，譯大般若經六百卷，何不為大，而六十卷華嚴經獨得大乎？」孫曰：「華嚴法界，具一切門，於一門中，可演出大千經卷，般若經乃華嚴宗一門耳。」太宗乃悟，受持華嚴。

唐朝清涼澄觀國師云：「此經稱性備談十身威雄，若不讀華嚴經，不知佛富貴。為欲顯斯果德，故說華嚴大經十種因緣，皆應一一隨其本因。」《華嚴經》描述的是佛、菩薩所證的圓融無礙境界，頓時朗現無有前後，呈現不可思議的廣大圓滿。如能受持讀誦以至透澈通達，便可契理事無礙，事事無礙法界。

圓道禪院自二〇一二年起每年誦持華嚴經為常課，有感於大經殊特玄奧，自二〇一四年，首倡以「日誦一卷經，季成一部經，二十五年積累百部華嚴」為願行目標，推廣百萬人終生受持讀誦華嚴經。二〇一五年初，由圓道禪院四眾弟子們發願助印華嚴經以資流通誦持，依《大正新脩大藏經》及《乾隆版大藏經》嚴

謹校勘、排版設計，首刷共印製一萬二千套五式色系精裝隨身版華嚴經典，並於台灣北區、中區、南區三場國際供佛齋僧大會中供養十方僧眾及道場，亦流通至美洲（美國、加拿大）、澳洲、中國、東南亞（泰國、緬甸、越南、馬來西亞、新加坡）、東北亞（韓國、日本）等海外地區，更於二〇一六年初組團護送二百餘套華嚴經至韓國供養曹溪宗各叢林道場及僧眾，與十方三寶、護法善信締結殊勝法緣。

有鑑於諸尊上人弘法流通，各界賢達虔誠護持，圓道禪院於二〇一六年四月重校修版，再版一萬套；同年因應海外需求，於歲末印製第三刷五千套。由於本版本之精緻品質及量體小巧便於攜帶珍藏，請供者數量日增，今第四刷預計印製五萬套供養海內外道場及佛學院法師精研。期望有志賢友廣為宣傳結緣。

大方廣佛華嚴經中不可思議之華藏世界非肉眼凡夫所能知見，諷誦華嚴亦非易事，然廣大莊嚴華藏世界海實引人入勝；其詞藻富麗如華，瓣瓣層疊各具姿態；結構如樹挺立莊嚴，枝繁葉茂井然有序。華嚴經義難思難議，菩薩願行難行能行，弘宣大乘為佛子本懷，惟願後學輩出，體解大道，受持誦讀者藉此發起無上菩提心。四生九有，同登華藏玄門，八難三途，共入毗盧性海。

圓道禪院 謹序

佛曆二五六一年
西元二〇一七年 佛誕日

【分信生樂勸果舉】

序分 (分四)
 (主會)
 (法說)
 (會九)
 (光放)
 (定八)



(世主妙嚴一品為序分，如來現相品第二卷六以下
 正宗分)。

(目品)

(周五)

文殊菩薩為會主
 說十信法門
二會普光明殿
 放兩足輪光
 不入定信未入位

普賢菩薩為會主
 說如來依正法
初會菩提場
 放齒光眉間光
 入毗盧藏身三昧



問果依所答


⊕ 依所解生答通 ⊖

所信因果周

華嚴經總表解

正宗分

【修因契果生解分】





問因修所答

周果因別差

果因位六明遍番一第

金剛藏菩薩為會主
 說聖位十地法門
六會他化天宮
 放眉間毫相光
 八大智慧光明三昧

如來為會主
 說等妙覺法門
七會普光明殿
 放眉光、口光
 入剎那三昧




◎果因解生答正◎

果因位六明遍

【分德成入證人依】 □ 【分行成修進法託】 □


普賢菩薩為會主
說二千行門
八會普光明殿
此會不放先
入佛華嚴三昧



離世間品第三十八
(卷五十三、卷五十九)
□ 成行因果周

果因位六明通番二第

九會逝多林




九會未會以下或行顯品末卷
兩時世尊與諸聖者下為流通分

唐貞元譯普賢行願品卷第四十
(卷八十一)
□ 證入因果周

果因位六明通番三第

備註：依據清涼澄觀國師華嚴經疏鈔，華嚴經前五卷是序分，中間五十五卷半是正宗分，後十九卷半是流通分。

□ 流通分



大方廣佛華嚴經

唐于闐國三藏沙門實叉難陀譯

卷第一

圓道禪院 恭印



呼鐘聲偈

鐘聲傳華藏界內

佛法揚萬億國中

功勳祈世界和平

利益報檀那厚德

南無華嚴教主毘盧遮那如來 (三稱)

開經偈

無上甚深微妙法

百千萬劫難遭遇

我今見聞得受持

願解如來真實義



大方廣佛華嚴經卷第一

唐于闐國三藏沙門實叉難陀譯

世主妙嚴品第一之一

如是我聞，一時佛在摩竭提國，阿蘭若法菩提場
 中，始成正覺。其地堅固，金剛所成。上妙寶
 輪，及眾寶華，清淨摩尼，以為嚴飾。諸色相
 海，無邊顯現。摩尼為幢，常放光明，恆出妙
 音；眾寶羅網，妙香華纓，周匝垂布。摩尼寶





寶 ^{フ、ク}	列 ^{カセ}	影 ^ム	條 ^{ク、ク}	特 ^{ク、ク}	場 ^{イ、ク}	地 ^{カ、ク}	王 ^{ク、ク}
；	。	；	。	。	，	。	，
摩 ^{ハ、ク}	其 ^{ク、ク}	復 ^{ヒ、ク}	寶 ^{ク、ク}	金 ^{リ、ク}	一 ^{ク、ク}	寶 ^{ク、ク}	變 ^{ク、ク}
尼 ^{ハ、ク}	樹 ^{ク、ク}	以 ^{ク、ク}	葉 ^{ク、ク}	剛 ^{ク、ク}	切 ^{ク、ク}	樹 ^{ク、ク}	現 ^{ク、ク}
寶 ^{ク、ク}	周 ^{ク、ク}	摩 ^{ハ、ク}	扶 ^{ク、ク}	為 ^{ク、ク}	莊 ^{ク、ク}	行 ^{ク、ク}	自 ^{ク、ク}
內 ^{ク、ク}	圓 ^{ク、ク}	尼 ^{ハ、ク}	疏 ^{ク、ク}	身 ^{ク、ク}	嚴 ^{ク、ク}	列 ^{ク、ク}	在 ^{ク、ク}
，	，	，	，	，	，	，	。
有 ^{ク、ク}	咸 ^{ク、ク}	而 ^{ク、ク}	垂 ^{ク、ク}	琉 ^{ク、ク}	於 ^{ク、ク}	枝 ^{ク、ク}	雨 ^{ク、ク}
諸 ^{ク、ク}	放 ^{ク、ク}	為 ^{ク、ク}	蔭 ^{ク、ク}	璃 ^{ク、ク}	中 ^{ク、ク}	葉 ^{ク、ク}	無 ^{ク、ク}
菩 ^{ク、ク}	光 ^{ク、ク}	其 ^{ク、ク}	如 ^{ク、ク}	為 ^{ク、ク}	影 ^{ク、ク}	光 ^{ク、ク}	盡 ^{ク、ク}
薩 ^{ク、ク}	明 ^{ク、ク}	果 ^{ク、ク}	雲 ^{ク、ク}	榦 ^{ク、ク}	現 ^{ク、ク}	茂 ^{ク、ク}	寶 ^{ク、ク}
，	。	，	。	，	。	。	，
其 ^{ク、ク}	於 ^{ク、ク}	含 ^{ク、ク}	寶 ^{ク、ク}	衆 ^{ク、ク}	其 ^{ク、ク}	佛 ^{ク、ク}	及 ^{ク、ク}
衆 ^{ク、ク}	光 ^{ク、ク}	暉 ^{ク、ク}	華 ^{ク、ク}	雜 ^{ク、ク}	菩 ^{ク、ク}	神 ^{ク、ク}	衆 ^{ク、ク}
如 ^{ク、ク}	明 ^{ク、ク}	發 ^{ク、ク}	雜 ^{ク、ク}	妙 ^{ク、ク}	提 ^{ク、ク}	力 ^{ク、ク}	妙 ^{ク、ク}
雲 ^{ク、ク}	中 ^{ク、ク}	燄 ^{ク、ク}	色 ^{ク、ク}	寶 ^{ク、ク}	樹 ^{ク、ク}	故 ^{ク、ク}	華 ^{ク、ク}
，	，	，	，	，	，	，	，
俱 ^{ク、ク}	雨 ^{ク、ク}	與 ^{ク、ク}	分 ^{ク、ク}	以 ^{ク、ク}	高 ^{ク、ク}	令 ^{ク、ク}	分 ^{ク、ク}
時 ^{ク、ク}	摩 ^{ク、ク}	華 ^{ク、ク}	枝 ^{ク、ク}	為 ^{ク、ク}	顯 ^{ク、ク}	此 ^{ク、ク}	散 ^{ク、ク}
出 ^{ク、ク}	尼 ^{ハ、ク}	間 ^{ク、ク}	布 ^{ク、ク}	枝 ^{ク、ク}	殊 ^{ク、ク}	道 ^{ク、ク}	於 ^{ク、ク}





現。又以如來，威神力故，其菩提樹，恆出妙
 音，說種種法，無有盡極。如來所處，宮殿樓
 閣，廣博嚴麗，充遍十方。衆色摩尼之所集成，
 種種寶華以為莊校。諸莊嚴具流光如雲，從宮殿
 間萃影成幢。無邊菩薩，道場衆會，咸集其所。
 以能出現諸佛光明，不思議音，摩尼寶王而為其
 網，如來自在神通之力，所有境界皆從中出。一
 切衆生居處屋宅，皆於此中現其影像。又以諸佛





神力所加，一念之間，悉包法界。其師子座，高
 廣妙好：摩尼為臺，蓮華為網，清淨妙寶以為其
 輪，衆色雜華而作瓔珞。堂榭樓閣，階砌戶牖，
 凡諸物像，備體莊嚴；寶樹枝果，周迴間列。摩
 尼光雲，互相照耀。十方諸佛化現珠王，一切菩
 薩髻中妙寶，悉放光明而來瑩燭。復以諸佛威神
 所持，演說如來廣大境界，妙音遐暢，無處不
 及。



爾時世尊處于此座，於一切法成最正覺。智入三世，悉皆平等。其身充滿一切世間，其音普順十方國土。譬如虛空具含眾像，於諸境界無所分別。又如虛空普遍一切，於諸國土平等隨入。身恆遍坐一切道場，菩薩眾中威光赫奕，如日輪出照明世界。三世所行，眾福大海悉已清淨，而恆示生諸佛國土。無邊色相圓滿光明，遍周法界等無差別。演一切法如布大雲。一一毛端，悉能容





受一切世界，而無障礙；各現無量神通之力，教化調伏一切衆生。身遍十方而無來往，智入諸相了法空寂。三世諸佛所有神變，於光明中靡不咸睹；一切佛土不思議劫，所有莊嚴悉令顯現。

有十佛世界微塵數菩薩摩訶薩，所共圍繞。其名曰：普賢菩薩摩訶薩、普德最勝燈光照菩薩摩訶薩、普光師子幢菩薩摩訶薩、普寶燄妙光菩薩摩訶薩、普音功德海幢菩薩摩訶薩、普智光照如來



境菩薩摩訶薩、普寶髻華幢菩薩摩訶薩、普覺悅

意聲菩薩摩訶薩、普清淨無盡福光菩薩摩訶薩、

普光明相菩薩摩訶薩、海月光大明菩薩摩訶薩、

雲音海光無垢藏菩薩摩訶薩、功德寶髻智生菩薩

摩訶薩、功德自在王大光菩薩摩訶薩、善勇猛蓮

華髻菩薩摩訶薩、普智雲日幢菩薩摩訶薩、大精

進金剛躋菩薩摩訶薩、香燄光幢菩薩摩訶薩、大

明德深美音菩薩摩訶薩、大福光智生菩薩摩訶





薩，如是等而為上首，有十佛世界微塵數。
 此諸菩薩，往昔皆與毗盧遮那如來，共集善根，
 修菩薩行，皆從如來善根海生，諸波羅蜜悉已圓
 滿。慧眼明徹，等觀三世；於諸三昧，具足清
 淨。辯才如海，廣大無盡；具佛功德，尊嚴可
 敬。知衆生根，如應化伏；入法界藏，智無差
 別。證佛解脫，甚深廣大；能隨方便，入於一
 地。而以一切願海所持，恆與智俱盡未來際。了

達諸佛希有廣大秘密之境，善知一切佛平等法，
 已踐如來普光明地，入於無量三昧海門。於一切
 處皆隨現身。世法所行悉同其事。總持廣大集衆
 法海；辯才善巧轉不退輪。一切如來功德大海，
 咸入其身；一切諸佛所在國土，皆隨願往。已曾
 供養一切諸佛，無邊際劫歡喜無倦。一切如來得
 菩提處，常在其中親近不捨。恆以所得普賢願
 海，令一切衆生智身具足，成就如是無量功德。





復有佛世界微塵數執金剛神，所謂：妙色那羅延
 執金剛神、日輪速疾幢執金剛神、須彌華光執金
 剛神、清淨雲音執金剛神、諸根美妙執金剛神、
 可愛樂光明執金剛神、大樹雷音執金剛神、師子
 王光明執金剛神、密嚴勝目執金剛神、蓮華光摩
 尼髻執金剛神，如是等而為上首，有佛世界微塵
 數。皆於往昔無量劫中，恆發大願，願常親近，
 供養諸佛。隨願所行，已得圓滿，到於彼岸。積



集無邊清淨福業，於諸三昧所行之境，悉已明

達。獲神通力，隨如來住，入不思議解脫境界。

處於眾會，威光特達，隨諸眾生所應現身，而示

調伏；一切諸佛化形所在，皆隨化往；一切如來

所住之處，常勤守護。

復有佛世界微塵數身眾神，所謂：華髻莊嚴身眾

神、光照十方身眾神、海音調伏身眾神、淨華嚴

髻身眾神、無量威儀身眾神、最上光嚴身眾神、





淨光香雲身衆神、守護攝持身衆神、普現攝取身
 衆神、不動光明身衆神，如是等而為上首，有佛
 世界微塵數，皆於往昔成就大願，供養承事一切
 諸佛。

復有佛世界微塵數足行神，所謂：寶印手足行
 神、蓮華光足行神、清淨華鬘足行神、攝諸善見
 足行神、妙寶星幢足行神、樂吐妙音足行神、栴
 檀樹光足行神、蓮華光明足行神、微妙光明足行



神、積集妙華足行神，如是等而為上首，有佛世
 界微塵數，皆於過去無量劫中，親近如來，隨逐
 不捨。

復有佛世界微塵數道場神，所謂：淨莊嚴幢道場
 神、須彌寶光道場神、雷音幢相道場神、雨華妙
 眼道場神、華纓光髻道場神、雨寶莊嚴道場神、
 勇猛香眼道場神、金剛彩雲道場神、蓮華光明道
 場神、妙光照耀道場神，如是等而為上首，有佛





世界微塵數，皆於過去值無量佛，成就願力，廣興供養。

復有佛世界微塵數主城神，所謂：寶峰光耀主

神、妙嚴宮殿主城神、清淨喜寶主城神、離憂清

淨主城神、華燈燄眼主城神、燄幢明現主城神、

盛福光明主城神、清淨光明主城神、香髻莊嚴主

城神、妙寶光明主城神，如是等而為上首，有佛

世界微塵數，皆於無量不思議劫，嚴淨如來所居



宮殿。

復有佛世界微塵數主地神，所謂：普德淨華主地神、堅福莊嚴主地神、妙華嚴樹主地神、普散衆寶主地神、淨目觀時主地神、妙色勝眼主地神、香毛發光主地神、悅意音聲主地神、妙華旋鬚主地神、金剛嚴體主地神，如是等而為上首，有佛世界微塵數，皆於往昔發深重願：願常親近諸佛如來，同修福業。





復有無量主山神，所謂：寶峰開華主山神、華林
 妙髻主山神、高幢普照主山神、離塵淨髻主山
 神、光照十方主山神、大力光明主山神、威光普
 勝主山神、微密光輪主山神、普眼現見主山神、
 金剛密眼主山神，如是等而為上首，其數無量，
 皆於諸法得清淨眼。
 復有不可思議數主林神，所謂：布華如雲主林
 神、擢榦舒光主林神、生芽發曜主林神、吉祥淨



業主林神、垂布燄藏主林神、清淨光明主林神、
 可意雷音主林神、光香普遍主林神、妙光迴曜主
 林神、華果光味主林神，如是等而為上首，不思
 議數，皆有無量可愛光明。

復有無量主藥神，所謂：吉祥主藥神、梅檀林主
 藥神、清淨光明主藥神、名稱普聞主藥神、毛孔
 光明主藥神、普治清淨主藥神、大發吼聲主藥
 神、蔽日光幢主藥神、明見十方主藥神、益氣明





目主藥神，如是等而為上首，其數無量，性皆離垢，仁慈祐物。

復有無量主稼神，所謂：柔軟勝味主稼神，時華

淨光主稼神，色力勇健主稼神、增長精氣主稼

神、普生根果主稼神、妙嚴環髻主稼神、潤澤淨

華主稼神、成就妙香主稼神、見者愛樂主稼神、

離垢淨光主稼神，如是等而為上首，其數無量，

莫不皆得大喜成就。



復有無量主河神，所謂：普發迅流主河神、普潔

泉澗主河神、離塵淨眼主河神、十方遍吼主河

神、救護衆生主河神、無熱淨光主河神、普生歡

喜主河神、廣德勝幢主河神、光照普世主河神、

海德光明主河神，如是等而為上首，有無量數，

皆勤作意，利益衆生。

復有無量主海神，所謂：出現寶光主海神、成金

剛幢主海神、遠離塵垢主海神、普水宮殿主海





神、吉祥寶月主海神、妙華龍髻主海神、普持光
 味主海神、寶燄華光主海神、金剛妙髻主海神、
 海潮雷音主海神，如是等而為上首，其數無量，
 悉以如來功德大海，充滿其身。
 復有無量主水神，所謂：普興雲幢主水神、海潮
 雲音主水神、妙色輪髻主水神、善巧漩澗主水
 神、離垢香積主水神、福橋光音主水神、知足自
 在 主水神、淨喜善音主水神、普現威光主水神、



吼音遍海主水神，如是等而為上首，其數無量，常勤救護一切衆生，而為利益。

復有無數主火神，所謂：普光燄藏主火神、普集

光幢主火神、大光普照主火神、衆妙宮殿主火

神、無盡光髻主火神、種種燄眼主火神、十方宮

殿如須彌山主火神、威光自在主火神、光明破暗

主火神、雷音電光主火神，如是等而為上首，不

可稱數，皆能示現種種光明，令諸衆生，熱惱除





滅^{口一世}。

復有無量主風神，所謂：無礙光明主風神、普現

勇業主風神、飄擊雲幢主風神、淨光莊嚴主風

神、力能竭水主風神、大聲遍吼主風神、樹杪垂

鬚主風神、所行無礙主風神、種種宮殿主風神、

大光普照主風神，如是等而為上首，其數無量，

皆勤散滅我慢之心。

復有無量主空神，所謂：淨光普照主空神、普遊



音主方神、髻目無亂主方神、普觀世業主方神、
 周遍遊覽主方神，如是等而為上首，其數無量，
 能以方便，普放光明，恆照十方，相續不絕。
 復有無量主夜神，所謂：普德淨光主夜神，喜眼
 觀世主夜神、護世精氣主夜神、寂靜海音主夜
 神、普現吉祥主夜神、普發樹華主夜神、平等護
 育主夜神、遊戲快樂主夜神、諸根常喜主夜神、
 出生淨福主夜神，如是等而為上首，其數無量，

皆勤修習，以法為樂。

復有無量主書神，所謂：示現宮殿主書神、發起

慧香主書神、樂勝莊嚴主書神、香華妙光主書

神、普集妙藥主書神、樂作喜日主書神、普現諸

方主書神、大悲光明主書神、善根光照主書神、

妙華瓔珞主書神，如是等而為上首，其數無量，

皆於妙法，能生信解，恆共精勤，嚴飾宮殿。

復有無量阿修羅王，所謂：羅睺阿修羅王、毗摩





質多羅阿修羅王、ツカセカセツ 巧幻術阿修羅王、クハクマツ 大眷屬阿修羅王、カヤウリョク 大力阿修羅王、カキカ 遍照阿修羅王、ヒョウショ 堅固行妙莊嚴阿修羅王、ケンコウギョウ 出現勝德阿修羅王、ツクシヨウトク 妙好音聲阿修羅王、ミョウコウオン 如是等而為上首，コトコトナリニウヘノミヤコ 其數無量，スズカシク 悉已精勤，シツジキョウ 摧伏我慢及諸煩惱。サツフクマンウキヤクシヨウ
 復有不可思議數迦樓羅王，フタヘシヨクシヨク 所謂：大速疾力迦樓羅王、オホソクシヨク 無能壞寶髻迦樓羅王、ムネウツシヨク 清淨速疾迦樓羅王、キヨウソクシヨク 心不退轉迦樓羅王、ココロトクシヨク 大海處攝持力迦樓羅王、オホウミノトコロニシヨク



王、堅固淨光迦樓羅王、巧嚴冠髻迦樓羅王、普
 捷示現迦樓羅王、普觀海迦樓羅王、普音廣目迦
 樓羅王，如是等而為上首，不思議數，悉已成就
 大方便力，普能救攝一切衆生。
 復有無量緊那羅王，所謂：善慧光明天緊那羅
 王、妙華幢緊那羅王、種種莊嚴緊那羅王、悅意
 吼聲緊那羅王，寶樹光明緊那羅王、見者欣樂緊
 那羅王、最勝光莊嚴緊那羅王、微妙華幢緊那羅



王、動地力緊那羅王、攝伏惡衆緊那羅王，如是
 等而為上首，其數無量，皆勤精進，觀一切法，
 心恆快樂，自在遊戲。

復有無量摩睺羅伽王，所謂：善慧摩睺羅伽王、
 清淨威音摩睺羅伽王、勝慧莊嚴髻摩睺羅伽王、
 妙目主摩睺羅伽王、如燈幢為衆所歸摩睺羅伽
 王、最勝光明幢摩睺羅伽王、師子臆摩睺羅伽
 王、衆妙莊嚴音摩睺羅伽王、須彌堅固摩睺羅伽



王、可愛樂光明摩睺羅伽王，如是等而為上首，
 其數無量，皆勤修習廣大方便，令諸衆生，永割
 癡網。

復有無量夜叉王，所謂：毗沙門夜叉王、自在音
 夜叉王、嚴持器仗夜叉王、大智慧夜叉王、燄眼
 主夜叉王、金剛眼夜叉王、勇健臂夜叉王、勇敵
 大軍夜叉王、富資財夜叉王、力壞高山夜叉王，
 如是等而為上首，其數無量，皆勤守護一切衆





生^{尸ム}。

復有無量諸大龍王，所謂：毗樓博叉龍王、娑竭

羅龍王、雲音妙幢龍王、燄口海光龍王、普高雲

幢龍王、德叉迦龍王、無邊步龍王、清淨色龍

王、普運大聲龍王、無熱惱龍王，如是等而為上

首，其數無量，莫不勤力興雲布雨，令諸衆生熱

惱消滅。

復有無量鳩槃荼王，所謂：增長鳩槃荼王、龍主



鳩槃荼王、善莊嚴幢鳩槃荼王、普饒益行鳩槃荼
 王、甚可怖畏鳩槃荼王、美目端嚴鳩槃荼王、高
 峰慧鳩槃荼王、勇健臂鳩槃荼王、無邊淨華眼鳩
 槃荼王、廣大天面阿修羅眼鳩槃荼王，如是等而
 為上首，其數無量，皆勤修學無礙法門，放大光
 明。
 復有無量乾闥婆王，所謂：持國乾闥婆王、樹光
 乾闥婆王、淨目乾闥婆王、華冠乾闥婆王、普音



乾闥婆王、樂搖動妙目乾闥婆王、妙音師子幢乾
 闥婆王、普放寶光明乾闥婆王、金剛樹華幢乾闥
 婆王、樂普現莊嚴乾闥婆王，如是等而為上首，
 其數無量，皆於大法深生信解，歡喜愛重，勤修
 不倦。
 復有無量月天子，所謂：月天子、華王髻光明天
 子、衆妙淨光明天子、安樂世間心天子、樹王眼
 光明天子、示現清淨光天子、普遊不動光天子、

星宿王自在天子、淨覺月天子、大威德光明天子、如是等而為上首，其數無量，皆勤顯發衆生心寶。

復有無量曰天子，所謂：曰天子、光燄眼天子、

須彌光可畏敬幢天子、離垢寶莊嚴天子、勇猛不

退轉天子、妙華纓光明天子、最勝幢光明天子、

寶髻普光明天子、光明眼天子、持勝德天子、普

光明天子，如是等而為上首，其數無量，皆勤修





習，利益衆生，增其善根。

復有無量三十三天王，所謂：釋迦因陀羅天王、

普稱滿音天王、慈目寶髻天王、寶光幢名稱天

王、發生喜樂髻天王、可愛樂正念天王、須彌勝

音天王、成就念天王、可愛樂淨華光天王、智日

眼天王、自在光明能覺悟天王，如是等而為上

首，其數無量，皆勤發起一切世間廣大之業。

復有無量須夜摩天王，所謂：善時分天王、可愛



樂光明天王、無盡慧功德幢天王、善變化端嚴天
 王、總持大光明天王、不思議智慧天王、輪臍天
 王、光燄天王、光照天王、普觀察大名稱天王，
 如是等而為上首，其數無量，皆勤修習廣大善
 根，心常喜足。

復有不可思議數兜率陀天王，所謂：知足天王、
 喜樂海鬘天王、最勝功德幢天王、寂靜光天王、
 可愛樂妙目天王、寶峰淨月天王、最勝勇健力天





王、金剛妙光明天王、星宿莊嚴幢天王、可愛樂
 莊嚴天王，如是等而為上首，不思議數，皆勤念
 持一切諸佛所有名號。

復有無量化樂天王，所謂：善變化天王、寂靜音

光明天王、變化力光明天王、莊嚴主天王、念光

天王、最上雲音天王、衆妙最勝光天王、妙髻光

明天王、成就喜慧天王、華光髻天王、普見十方

天王，如是等而為上首，其數無量，皆勤調伏一

切衆生，令得解脫。

復有無數他自在天王，所謂：得自在天王、妙

目主天王、妙冠幢天王、勇猛慧天王、妙音句天

王、妙光幢天王、寂靜境界門天王、妙輪莊嚴幢

天王、華蕊慧自在天王、因陀羅力妙莊嚴光明天

王，如是等而為上首，其數無量，皆勤修習自在

方便廣大法門。

復有不可數大梵天王，所謂：尸棄天王、慧光天





王、善慧光明天王、普雲音天王、觀世言音自在

天王、寂靜光明眼天王、光遍十方天王、變化音

天王、光明照耀眼天王、悅意海音天王，如是等

而為上首，不可稱數，皆具大慈，憐愍衆生，舒

光普照，令其快樂。

復有無量光音天王，所謂：可愛樂光明天王、清

淨妙光天王、能自在音天王、最勝念智天王、可

愛樂清淨妙音天王、善思惟音天王、普音遍照天



王、甚深光音天王、無垢稱光明天王、最勝淨光
 天王，如是等而為上首，其數無量，皆住廣大寂
 靜喜樂無礙法門。

復有無量遍淨天王，所謂：清淨名稱天王、最勝
 見天王、寂靜德天王、須彌音天王、淨念眼天
 王、可愛樂最勝光照天王、世間自在主天王、光
 燄自在天王、樂思惟法變化天王、變化幢天王、
 星宿音妙莊嚴天王，如是等而為上首，其數無





量，悉已安住廣大法門，於諸世間，勤作利益。
 復有無量廣果天王，所謂：愛樂法光明幢天王、
 清淨莊嚴海天王、最勝慧光明天王、自在智慧幢
 天王、樂寂靜天王、普智眼天王、樂旋慧天王、
 善種慧光明天王、無垢寂靜光天王、廣大清淨光
 天王，如是等而為上首，其數無量，莫不皆以寂
 靜之法，而為宮殿，安住其中。
 復有無數大自在天王，所謂：妙燄海天王、自在

名稱光天王、清淨功德眼天王、可愛樂大慧天
 王、不動光自在天王、妙莊嚴眼天王、善思惟光
 明天王、可愛樂大智天王、普音莊嚴幢天王、極
 精進名稱光天王，如是等而為上首，不可稱數，
 皆勤觀察無相之法，所行平等。

大方廣佛華嚴經卷第一





華嚴經心陀羅尼

底^ク 唵^ム

烏^ク陀^ム慕^ク陀^ム迷^ク

唵^ム

薩^ク陞^ム梯^ク

莎^ク訶^ム

枳^ク那^ム枳^ク那^ム

怛^ク他^ム伽^ク陀^ム跢^ク婆^ム

陞^ク珊^ム隱^ク底^ム婆^ク囉^ム

速疾圓滿普賢行願陀羅尼

南^ク無^ム悉^ク達^ム哩^ク夜^ム

底^ク味^ム迦^ク喃^ム

怛^ク他^ム噶^ク搭^ム喃^ク

唵^ム

阿^ク戍^ム哇^ク囉^ム味^ク

尼^ク彌^ム

莎^ク訶^ム

七佛滅罪真言

離カ婆ノ離タ婆ビ帝カ 求ク訶ノ求ク訶ノ帝カ

陀タ羅ノ尼カ帝ノ

尼ニ訶ノ囉カ

帝タ 毗ヒ黎レ你ニ帝カ 摩マ訶ノ伽カ帝ノ

真シ陵レ乾ク帝カ

娑サ婆ノ訶カ

滅定業真言

唵オム 鉢ハツ囉ノ末マ鄰ノ陀タ鄰ノ

娑サ婆ノ訶カ

滅業障真言

唵オム 阿ア嚕ノ勒カ繼ノ 娑サ婆ノ訶カ



補闕真言



南無三滿哆 沒馱喃 阿鉢囉帝 喝多折 折捺

彌唵雞彌雞彌 怛塔葛塔喃 末瓦山 矪鉢囉

帝烏怛摩怛摩 怛塔葛塔喃 末瓦吽 娑莎訶

補闕圓滿真言

唵 呼嚧呼嚧 社曳穆契 娑訶



真 華 ▽
 傳 嚴 華嚴字母讚
 唱 嚴 字 母 衆 藝 親 宣
 誦 利 人 天 秘 密 義 幽 玄
 功 德 無 善 財 童 子 得 邊

華 華 ▽
 臺 嚴 華嚴經讚
 幽 暗 一 時 開 諸 佛 歎 奇 哉
 會 舍 那 如 來 萬 象 昭 蓮 華 藏 海 坐



南無華嚴海會佛菩薩
 四生九有同登華藏玄門
 八難三途共入毗盧性海

(三唱三拜)

婆四
 功十二
 德二字
 大法界陀羅字
 沐恩波
 波多阿
 梵韻滿娑

時普願法界衆生入般若波羅密門
 波多阿
 多
 阿
 翳崩闕速褒
 當登東都刀
 頽卑賓般
 黠低顛單
 耽兜多
 俠翰翁鳥爇
 哀醫因安音諳謳阿
 唱
 波多阿
 字